

## ***Spezialwochen!!!!***

### ***Mäntig bis Mittwoch***

***26.10 - 28.09***

Mir hend doch prompt i dene 3 Täg de ganzi rescht gerntet. Am Mittwoch Obig am 16.00 Uhr isch üseri Ernti Gschicht gsi, sprich denn hend mir de allerletschti Weize abghaue. Am glich Obig het au de Canadische Heuhane stattgfunde, mit Z'Nacht im Feld. S het denn au na es Föteli geh mit em ganze LegacyAgro Farmteam 2011.



### ***De rescht vo de Wuche...***

***29.10 - 01.10***

Nebet dem das mir gschaffet hend, hend mir doch au na d Nordliechter mal so richtig chönne fotografiere! Zrugg zur arbet, mir sind am d Schibeege repariere xsi. Au gsprayet hend mir wieder ganz viel. Am Samstag hend mir au na Garantiarbet gmacht für d Firma Salford. ( Das rote Grät wo mir im Frühelig viel brucht hend.)



# Newsletter Canada

---

## **Gärtnerwuche.. ☺**

**03.10. -08.10**

Wies de Titel scho verrate tuet sind mir die Wuche go gärtnäre. S isch eigentlich alles bim alte bliebe. Mir hend nämlich kultiviert, Stei pickt, dusse xsi mit de Schibeegge und mir hend au gsprayt. **ACHTUNG:** Kaum zu glauben. Am Donnstig de 06.10 het de Ueli s letschte Fäld gsprützt. Was soviel heisst, dass mir de Sprayer nüme füre nämend.

Zrugg zum erscht satz. Mir sind go gärtner... .. für Erwachsnigi. S het denn au aagfange mit em uflade vom Baggerli (30to) und isch wiiter gange mit em transportiere vom Bulldozer (Cat D7 Jahrgang: Vo luuter älti het das Gschir gar kein Jahrgang meh.). Östlich vo euserem Shop het de Chef es Fäld pachtet und das sind mir jetzt am Sähfertigmache. Es werdet Weiherli zuegstosse mit Dreck, grossi Stei zum Bode usegholt mit em Bagger, chlini Bächli werdet usgebnet mit de 2 Scraper, und fehle wür nur na en Grader. Denn chönttet mir scho es canadischs Tüüfbaunternäme si.



## **Erntedankfest/Thanks giving**

**09.10**

Thanks giving oder ebe Ernte-Dank wird da in Canada sehr gross gfiret. Zur Feier des Tages isch am Sunntigmorge au scho am 07.30 Tagwach xsi. Mir sind id Chile gange das mir au das mal erläbt händ. D Chirche isch sehr jugendlich gstatet xsi mit Musig ( Es isch e Familie xsi mit: Vater,Gitarre / Mutter, Gsang / Sohn, Schlagzeug / Tochter, Bass-Gitarre), Gschichte und andere Sache. Die Chirche het au es eigets Chucheli und ebefalls e egeti Turnhalle für d Chind.

Am Obig sind mir alli iglade xsi zum go Z'Nacht esse bim Nachbar. Es het Turkey ( Truthahn ), Händöpfel, Gmües, und viel,viel meh geh. Als Dessert hets Pumpkinpie ( Kürbiswähe ) oder Applepie geh. Das wer so es Typisches Canadisches Ernte-Dank Z'Nacht.

# Newsletter Canada

---

**Inere Ziitig hets amol au na es Witzli dine. Da hend mir doch gad mal eine ghört letscht wuche.**

3 Canadische Farmer sind in Himmel cho. Dur d Himmelstür dure direkt zum Petrus. De Petrus het denn gseit: "Ihr wüset das mer au im Himmel muess schaffe. Mir hend au da obe Farmä s einzige was ihr mir müend verrate, isch welli Traktore ihr gha hend uf de Erde."

De 1. Het gseit: „ich han en Case/IH gha!“ Da hets en Chlapf tue und er isch ufere Case/IH-Farm xsi.

De 2. Het gseit: „ Ich han en Ford/New Holland diheime gha.“ S het wieder en Chlapf tue und er isch uf e Ford/NewHolland-Farm cho.

De 3. Het gseit: „ Ich han en JOHN DEERE gha.“ Da seit doch de Petrus: „ Für dich han ich kei Arbet, will du hesch scho Himmel uf Erde erläbt.“ Hahahahaha hihihihih \*lach,lach\*



Es grüesst s Team Canada.

Ueli und Dani